
**ՄԵՆՈՒԱՅԻ ԱՌԱՋԻՆ ԱՐՇԱՎԱՆՔՆ ԱՂԱՆԻՔ ԻՐ ՄԻԱՆՁՆՅԱ ԳԱՀ
ԲԱՐՁՐԱՆԱԼՈՒ ՏԱՐՈՒՄ**

ԽՈՒԴԱՆՅԱՆ Հ. Հ.

Աղձնիքին առնչվող՝ Վանի թագավորության (Ուրարտու) հնագույն սեպագիր աղբյուրները վերաբերում են Մենուայի (Ք.ա. 810-786 թթ.) գահակալության ժամանակաշրջանին՝ ու թվագրվում են Ք.ա. IX դ. վերջով և VIII դ. սկզբով։ Այդ աղբյուրների ուսումնասիրությունը կարող է ոչ միայն լույս սփռել Հայկական լեռնաշխարհի հարավ-արևմուտքում ընթացած պատմական գործընթացների վրա, այլև հնարավորություն ընձեռել նորովի անդրադառնալու ցայսօր սակավ ուշադրության արժանացած մի շարք իրողությունների։

Վանա լճից հյուսիս գտնվող Պատնոց-Բադնոց գյուղի շրջակայքում ուրարտական շինությունից հայտնաբերված սեպագիր արձանագրության առաջին հատածում¹ ասվում է, որ իր գահ Բարձրանալու տարում Մենուան արշավել և գրավել է **ապստամբած Շաթիրու «երկիրը»**, նվաճել **Խուրադինակու(նի), Գիդիմարու(նի), Թարգուվանանա(նի) քաղաքները**, հասել **Բուշտու «երկիր»**²՝ ընդհուպ մինչև Մալմալի լեռները, միաժամանակ նշում, որ **Բիայնիլիի նախկին արքաներից ոչ ոք երբևէ չի հասել Խուրադինակու քաղաքը**, մինչդեռ ինքը գրավել և ոչնչացրել է այն³։

¹ Վերջին ժամանակներում Վանի թագավորության արքաների իշխելու տարիների և, հետևաբար, նույն ժամանակաշրջանի պատմական իրադարձությունների պարբերացման առնչությամբ պատմագիտության մեջ առաջ են քաշվել նոր տեսակետներ։ Դրանք դեռևս համընդհանուր ընդունելության չեն արժանացել ոլորտի մասնագետների կողմից, ուստի սույն աշխատությունում մենք հետևում ենք Բիայնայի արքաների թագավորության տարիների պարբերացման՝ դասականորեն ընդունված մոտեցումներին։ Այսուամենայնիվ, աշխատանքում քննվող պատմական որոշ իրադարձությունների պարբերացման խնդիրները հետագա հնարավոր պատմագիտական սրբագրումների դեպքում, ըստ այդմ, ենթակա են համապատասխան խմբագրման [տե՛ս **Grekyan Yervand**, *The Regnal Years of the Urartian Kings Argišti Menuahi and Sarduri Argišti, Aramazd (Armenian Journal of Near Eastern Studies)*, Vol. IX, Issue 1, Association For Near Eastern And Caucasian Studies, Yerevan, 2015 և այլ հեղինակներ]։

² **Арутюнян Н.** Корпус урартских клинообразных надписей (այսուհետև՝ *КУКН*), *Е.*, 2001, N 148, (5)-(22), с. 143-144, N 149, (4)-(19), с. 147, **Salvini M.** *Corpus dei Testi Urartei 1* (այսուհետև՝ *CTU*) Vol. I, Roma, 2008, A 5-11A, (5)-(22), p. 201-202, A 5-11B, (4)-(19), p. 203.

³ Շաթիրու և նրա հարևան Բուշտու «երկրները» պետք է փնտրել Ուրմիա լճից հարավ ընկած շրջաններում։ Ինչ վերաբերում է Խուրադինակու(նի), Գիդի-մարու(նի), Թարգուվանանա(նի) բնակավայրերին, ապա տեքստից չի հասկացվում՝ արդյոք դրանք եղել են Շաթիրու «երկրի» կազմում, թե՞ ոչ։ Ուշագրավ է, որ Պատնոց-Բադնոցից գտնված այս արձանագրության, ինչպես նաև Արգիշտի I-ի Խորիտոյան տարեգրության մեջ Մալմալին վկայակոչվում է Բուշտու «երկրի» հետ միասին։ Թերևս Մալմալի լեռները գտնվել են Բուշտու «երկրի» հարևանությամբ՝ Ուրմիա լճի հարավում՝ լինելով վերը նշված «երկրների» ծայր հարավային

Հայտնի է, որ Մենուան մասնակից է եղել տերության գործերին դեռևս հոր՝ Իշպուհինիի (Ք.ա. 825-810 թթ.) և իր նրա հետ համատեղ գահակալության շրջանում: Այդուհանդերձ, խոսքն այստեղ վերաբերում է նրա՝ միանձնյա գահ բարձրապալուն (ընդունված է համարել Ք.ա. 810 թ.): Այդ մասին է, թերևս, վկայում այն հանգամանքը, որ նրա գահակալման սկզբում **ապստամբում** Շաթիրու(նի) «երկիրը»: Սա հին Առաջավոր Ասիայում բազմիցս փաստագրված և հանրահայտ պատմական իրողությունն է, երբ նոր արքայի գահ բարձրանալիս հաճախ անհնազանդություն են ցուցաբերում ծայրամասային կենտրոնախույս ուժերը՝ փորձելով ազատվել կենտրոնի գերիշխանությունից կամ ձեռք բերել քաղաքական ինքնուրույնություն կամ էլ դաշնակցության մեջ մտնել երրորդ ուժի հետ: Սովորաբար այդ ապստամբությունները բավական դաժանորեն ճնշվում էին:

Ինչպես կարելի է դատել արձանագրության առաջին հատվածից, Ուրմիտ ավազան կատարած այս արշավանքը եղել է Մենուայի միանձնյա գահակալության եթե ոչ անդրանիկ, ապա առաջին ռազմաքաղաքական ձեռնարկումներից մեկը՝ թվագրվելով Ք.ա. 810 թ. առաջին կեսի վերջերս կամ նույն թվականի երկրորդ կեսով: Սակայն այստեղ մեզ համար առավել առաջնահերթ է տվյալ արձանագրության ոչ թե վերը ներկայացված, այլ դրան հաջորդող՝ Ադանիքին առնչվող հատվածը, ուստի նպատակահարմար ենք գտնում ստորև մեջբերել սույն պարբերությունն իր ընթերցմամբ և համապատասխան թարգմանությամբ.

22. ...i-ku-ka-a-n⁴ MU
KUR^{al}-zi-e du-ur-ba-i-e

23. ma-nu⁴ ú-lu-uš-ta-be⁴ ḫal-di-ni

Միննույն տարում Ալզի «երկիրը»

ապստամբել էր/թշնամի եղավ:

Արշավեց Խալդին Մենուայից՝

սահմանը [Арутюнян Н. Топонимика Урарту (այսուհետև՝ ТУ), Е., 1985, с. 61, 63, 133, 176, 233, 241, КУКН, N 148, (5)-(22), с. 143-144, прим. 6, 18-19, с. 145, 146, N 173-III, (39)-(40), с. 170]:

⁴ «du-ur-ba-i-e ma-nu» արտահայտությունը (ընթերցվում է «durbaie manu») առկա է նաև սույն արձանագրության 7-8-րդ տողերում (KUR^{ša}-ti-ru-ú-ni du-ur-ba-i-e ma-nu): Մ. Խաչիկյանը /d/ʔurbayə/ գոյականը մեկնաբանում է որպես «թշնամի, ապստամբ»՝ բերելով նաև վերջինիս խոնդիրեն /ʔur^ubə/ գուգահեռը: Ուրարտական մեկ այլ արձանագրությունում վկայված /Diauhe šišuhana d/ʔurbabə/ նախադասությունը նույն հեղինակը թարգմանում է հետևյալ կերպ՝ «Դիաուիսցին կրկին/երկրորդ անգամ ապստամբեց»: /d/ʔurbabə/-ն ուրարտերենի /d/ʔurb/-/durb(a)-/ «թշնամաբար գործել, ապստամբել» բայի 3-րդ դեմքի եզակի թվի անցյալ ժամանակի խոնարհումն է: Իր հերթին, Ն. Հարությունյանը «dur(u)baie» բառին հատկացնում է «թշնամի», «ապստամբ/խռովարար» իմաստները: Ինչ վերաբերում է «durbaie manu» արտահայտության «manu» բաղադրիչին, ապա այն ուրարտերենի «man(u)-» «լինել, գոյություն ունենալ» անանցողական բայի 3-րդ դեմքի եզակի թվի անցյալ ժամանակի խոնարհումն է: Մ. Սալվինին «durbaie manu» արտահայտությունը թարգմանում է որպես «ապստամբ դարձավ» (իտալերեն բնօրինակում՝ «divenne ribelle»), իսկ Ն. Հարությունյանը՝ «ապստամբած էր» ձևով (ռուսերեն բնօրինակում՝ «восставшей была») [Хачик Н. М. Хурритский урартский язык, ЯЛ.—ЯЕ., 1985, яс. 46—47, 463, 469, 127, ЯКУКН ЯН 148, я(7)-(8), (22)-(23), с. 143-144 (տե՛ս նաև նույն աշխ. վերջում, համապատասխան բառերի ներքո՝ Лексика урартского языка), СТУ, ЯА 5—11А, я(7)-(8), я(22)-(23), р. 202]: Ըստ ամենայնի՝ բառացի թարգմանությամբ «durbaie manu» արտահայտությամբ

- ^e ^mԿ-nu-a ⁿⁱձ-pu-u-i-ni-hi-ni- Իշպուհինի որդուց առաջ,
24. za-nš-gu-ni ^{URU}qu-tu-me-e ha- ú -ni *ռչնչացրեց Կուտումե քաղաքը, նվաճեց Ալզի «երկիրը», նվաճեց*
KURal-zi-e ha- ú -ni
25. KURša-nš-nu- ú -i-ni-i *Շաշնու «երկիրը»⁵, կառուցեց*
KURe-ba-a-ni ši-di-iš-t ú -ni Ë.GAL *ամրոց*
26. ^{URU}qu-tu-me-e...⁶ *Կուտումե քաղաքում...⁷:*

Այսպես, վերլուծելով մեջբերված հատվածը, հարկ է նախ ուշադրություն դարձնել այն կարևոր հանգամանքին, որ Շաթիրու «երկրի» ապստամբություն բարձրացնելու և դեպի Ուրմիտ լճի ավազան Մենուայի կատարած արշավանքի միևնույն տարում, այն է՝ Ք.ա. 810 թ., ընդվզում է նաև Ալզի «երկիրը»: Ապստամբությանը հետևում է Մենուայի ձեռնարկած մյուս արշավանքն արդեն Հայկական Տավրոս և Վերին Տիգրիսի ավազան: Ինչպես կարելի է հասկանալ տվյալ հաղորդման ընդհանուր տրամաբանությունից, այն տեղի է ունեցել Ալզիի ապստամբելու տարում: Ըստ ամենայնի՝ հենց Ք.ա. 810 թ. բիայնական զորքերը գրավում և ավերում են Ալզիի Կուտումե քաղաքը, այնուհետև նվաճում Ալզի և Շաշնու «երկրները»⁸: Արշավանքի ավարտին Մենուան ամրոց է կառուցում Կուտումեում, ինչի համար, անշուշտ, սակավ ժամանակ չէր պահանջվի Բիայնայի տիրակալից, ուստի այս արձանագրությունը պետք է թվագրվի Ք.ա. 810 թ. հետո ընկած ժամանակահատվածով:

Այդուհանդերձ, սույն արշավանքի բուն դրդապատճառները, հիշատակվող տեղանունների աշխարհագրությունը, տարածաշրջանի ռազմավարական նշանակությունը, արշավուղին և դրանց առնչվող մի շարք հանգամանքներ կարող են որոշակիորեն պարզ դառնալ միայն յուրաքանչյուր խնդիրն առանձին քննության արժանացնելու պարագայում:

յունը նշանակում է «թշնամի/ապստամբ դարձավ/եղավ»: Այսուհանդերձ, ընդհանրացնելով վերն ասվածը, կարելի է պնդել, որ «durbaie manu» արտահայտությունը տվյալ դեպքում անհրաժեշտ է հասկանալ «ապստամբել էր» նշանակությամբ:

⁵ Արձանագրության 25-րդ տողում հիշատակված ša-aš-nu-ú-i-ni-i տեղանունը Մ. Սալվինին իր թարգմանության մեջ ներկայացնում է Šašnu ձևով, ինչը, կարծում ենք, ընդունելի է (CTU, A 5-11A, (25) p. 202):

⁶ Արձանագրության տառադարձված այս հատվածը մեջբերված է Մ. Սալվինիի ընթերցումից (CTU, A 5-11A, (22)-(26), p. 202):

⁷ Արձանագրության վերը բերված հատվածի խմբագրական թարգմանությունը կատարել ենք՝ համեմատելով տարբերակների հետ, հիմնվելով մի շարք արտահայտությունների առանձին մեկնաբանությունների և դրանց լեզվական առանձնահատկությունների վրա:

⁸ Մենուայի այս արշավանքի տարեթիվն առաջին անգամ ճշգրտել է Հ. Կարագյոզյանը. այդ մասին տե՛ս **Капарѐз и О.А**ГорогяК32 3мєв3рар2 ск, хя с2 очн, ков [Պատմա-բանասիրական հանդես՝ ՊԲՀ], 1974, N 3, էջ 191-192]:

Վկայակոչվող տեղանունների տեղադրավայրը: Ալզի «երկիրը» (^{KUR}Alzi) նույնացվում է անտիկ աղբյուրների՝ Սասունից հարավ-արևելք գտնվող Արզանենեի (Arzanenae), ինչպես և Աղձնիք նահանգի առաջին գավառ Աղձն/Արձն-ի ու նրա համանուն կենտրոնի հետ՝ տեղադրվելով Վերին Տիգրիսի հյուսիսային ավազանում⁹: Ս. Երեմյանն Արզանենեն նույնացնում է ժամանակակից Խարզան կամ Ջոխ վայրի, իսկ դրա վարչաքաղաքական կենտրոն Արզան քաղաքը՝ Շուկառաբայի հետ¹⁰: Վերջինս Արզան քաղաքի աստրերեն անունն է, որը նշանակում է «մեծ շուկա», «գլխավոր շուկա»¹¹, դեռևս հնագույն ժամանակներից առևտրային կենտրոն լինելու պատճառով, ինչն իր հերթին մատնանշում է վաղնջական անցյալում այս բնակավայրի նշանակալից լինելու հանգամանքը: «Աշխարհացոյց»-ում Աղձնյաց բղձխության կենտրոն Աղձն գավառը կոչվում է «Աղձնիք Հայոց, որ է Արձն»¹²:

Շաշնու «երկիրը» (^{KUR}Sašnuini) մի շարք ուսումնասիրողներ նույնացրել են Աղձնիքի Սանասունք գավառի հետ¹³: Ընդհանուր առմամբ համամիտ լինելով այս մոտեցմանը՝ կարծում ենք, սակայն, որ տվյալ արձանագրությունում հիշատակվող Շաշնու «երկիրը» գլխավորապես վերաբերում է Սանասունքի վարչաքաղաքական կենտրոն Սասունին և նրա հարակից տարածքներին: Այն, ըստ էության, տեղանքով համապատասխանում է այժմյան Սասուն կամ Քյադքիկ գյուղին, որտեղ և գտնվում է Սանասուն բերդը¹⁴: Այս տարածքներում էր կազմավորվել Շուկրիա (Շուքրիա) թագավորությունը՝ հայկական վաղ պետական կազմավորումներից մեկը¹⁵:

Կոտուսե քաղաքը (^{URU}Qutume) վաղուց նույնացված է միջնադարյան աղբյուրներում հիշատակվող՝ Աղձնիքի Ազնվաց ձոր գավառի Կոտուս բնակավայրի հետ¹⁶, որը գտնվում է Վանա լճի հարավարևմտյան անկյունում՝

⁹ Քոսյան Ա., Հայկական լեռնաշխարհի տեղանունները (ըստ խեթական աղբյուրների), Ե., 2004, էջ 35, Խաչատրյան Վ., Հայկական տեղանունները սեպագիր աղբյուրներում (տեղագրական և ստուգաբանական քննություն), Ե., 2012, էջ 23, Խուղանյան Հ., Հնագույն Աղձնիքի տեղագրության և տնտեսության մասին (ՀՀ ԳԱԱ Լրաբեր հասարակական գիտությունների, 2014, N2, էջ 59):

¹⁰ Երեմյան Ս., Հայաստանը ըստ «Աշխարհացոյց»-ի, Ե., 1963, էջ 33, 39:

¹¹ Նույն տեղում, էջ 74:

¹² Նույն տեղում, էջ 33:

¹³ Ն. Հարությունյանը Շաշնու(ինի) բնակավայրը տեղադրում է Վերին Տիգրիսի ավազանում՝ Ալզիի հարևանությամբ (ԿՄ, Ե. 242): Տե՛ս նաև Խաչատրյան Վ., նշվ. աշխ., էջ 23, 148, Կարազեդեան Յ., Հայկական լեռնաշխարհը սեպագիր աղբյուրներում I, Սեպագիր տեղանուններ (Այրարատում և հարակից նահանգներում), Ե., 1998, էջ 41, նաև ծնթ. 1 և հղված գրականությունը:

¹⁴ Երեմյան Ս., նշվ. աշխ., 1963, էջ 79:

¹⁵ Հայ ժողովրդի պատմություն, 8 հատորով, հ. 1, Ե., 1971, էջ 293:

¹⁶ Караг, зян О., նշվ. աշխ., էջ 191-192, КУКН, N 148, (24), Ե. 141-142, прим. 23, Ե. 144, Саркисян Д. Страна Шюбрия, Ե., 1989 (քարտեզ), Հարությունյան Բ., Մեծ Հայքի վարչաքաղաքական բաժանման համակարգն ըստ «Աշխարհացոյց»-ի, Ե., 2001, էջ 205, Խաչատրյան Վ., նշվ. աշխ., էջ 168:

Թուխ գետի ափին, Բաղեշից՝ հյուսիս-արևելք, իսկ Չորա պահակից՝ հարավ-արևելք¹⁷: Ուշագրավ է, որ ինչպես այս սեպագիր հաղորդման մեջ Կուտումեն հիշատակվում է որպես Ալզի «երկրի» քաղաք, որտեղ Մենուան ամրոց է կառուցել, այնպես էլ X դ. պատմիչ Թովմա Արծրունին է վկայակոչում Ադանիքի Կոտում բնակավայրը, որը հայտնի էր իր իշխանական ամրոցով¹⁸: Այս ամենից կարելի է եզրակացնել, որ տվյալ ժամանակահատվածում հետագայի Ազնվաց ձոր գավառի տարածքը եղել է Ալզիի կազմում, քանզի այն չի հիշատակվում որպես առանձին աշխարհագրական միավոր: Բիայնական սեպագիր աղբյուրներում չկան նաև Ադանիքի մյուս գավառներին առնչվող տեղանուններ:

Բ. Հարությունյանը կարծում է, որ բացառությամբ Սանասունքի՝ Ադանիքի լեռնային գավառները, որոնք շատ փոքր տարածքներ էին զբաղեցնում, ամենայն հավանականությամբ, սկզբնապես գոյություն չեն ունեցել որպես վարչական միավորներ և ի հայտ են եկել ավատատիրական հարաբերությունների զարգացման հետևանքով¹⁹: Մենք հիմնականում համաձայն ենք Բ. Հարությունյանի մոտեցմանը, ինչն ամրապնդվում է նաև քննության առարկա արձանագրությունում, բացի Շաշնուից և Ալզիից, այլ «երկրների» ուղղակի վկայակոչումների բացակայությամբ: Այսպիսով, Ադանիքի գավառներից Կեթիկը, Տատիկը և Ազնվաց ձորը ձևավորվել են Արձնի տարածքում, իսկ Երխեթը, Գզեղիսը և Սալնաձորը՝ Սանա-սունքի²⁰: Պետք է մակաբերել, որ Ադանիքի Սանասունք և Ադան/ Արձն գավառները, որոնք քննվող վավերագրում Ալզի և Շաշնու «երկրներն» են, ներառել են վերը նշված վեց գավառները: Ինչ վերաբերում է Նփրկերտ (Մեծ Ծովք) և Քեղ կամ Անգեղտուն գա-վառներին, ապա դրանք գտնվում են Ադանիքի արևմտյան հատվածում և տվյալ պարագայում դուրս են մեր ուսումնասիրության շրջանակից: Այսպիսով, վերը ներկայացված «երկրները», պատմական այս ժամանակաշրջանում ներառելով նաև հետագայում Ադանիքի տարածքում ձևավորված լեռնային գավառներից վեցը, գտնվել են գլխավորապես Հայկական Տավրոսի արևելյան հատվածում:

Տարածաշրջանի տեղագրությունը և ռազմավարական-տնտեսական նշանակությունը: Անդրադառնալով Ադանիքի ֆիզիկա-աշխարհագրական բնութագրին՝

¹⁷ Հակոբյան Թ., Մելիք-Բախշյան Ստ., Բարսեղյան Հ., Հայաստանի և հարակից շրջանների տեղանունների բառարան, հ. 3, Ե., 1991, էջ 227: Տե՛ս նաև Մուշ-Տարոնը 1914 թ. դրությամբ, Սասունը 1914 թ. դրությամբ, նարտեզներ (մասշտաբ 1:160000), նարտեզի հեղինակ՝ Բադալյան Գ., նարտեզագիր՝ Մարտիրոսյան Մ.:

¹⁸ Թովմա Արծրունի և Անանուն, Պատմություն Արծրունյաց տան (աշխարհաբար թարգմանությունը՝ Վարդանյան Մ.), Ե., 1985, էջ 460-461:

¹⁹ Հարությունյան Բ., նշվ. աշխ., էջ 204:

²⁰ Նույն տեղում:

անհրաժեշտ է հասկանալ այն կարևորագույն դերակատարությունը, որն ունեցել է Հայկական Տավրոսը լեռնաշխարհի ողջ պատմության ընթացքում: Լեռնա-շղթան հարավային ուղղությամբ ունի մի շարք լեռնաձյուղեր, որոնցից շատերը հասնում են ընդհուպ մինչև Արևմտյան և Արևելյան Տիգրիսները: Դրա հյուսիսային լանջերը գաղթափ են, իսկ հարավայինը՝ մեղմաթեք²¹: Այն ունի մի շարք բնական լեռնանցքներ, որոնք, փաստորեն, հնագույն ժամանակներից ծառայել են որպես սահմանային դարպասներ: Երկիրը եզերող լեռնաշղթաներից դեպի միջնաշխարհ տանող այդ լեռնանցքները հնում կոչվել են «դրունք»: Դրանք կանխորոշում էին ճանապարհների այն ցանցը, որով միմյանց հետ բանուկ ուղիներով կապվում էին լեռնաշխարհի բոլոր բնակավայրերը: Այդ ուղիները ոչ միայն ներպետական, այլև միջպետական նշանակություն ունեին, ինչը հնարավորություն էր ընձեռում լեռնաշխարհը ճանապարհային ցանցով կապել տարածաշրջանի այլ երկրների հետ²²:

Լեռնանցքներն ունեն մոտ 1200-2400 մ բացարձակ բարձրություն: Ձմռանը տեղացած առատ ձյունը փակում էր նահանգներն ու գավառներն իրար կապող լեռնանցք-ուղիները, և մեկուսացումը հաճախ տևում էր 3-5 ամիս: Հենց դա էր պատճառը, որ այս տարածաշրջանում պատերազմները և ճակատամարտերը տեղի էին ունենում գերազանցապես զարնան երկրորդ կեսից մինչև աշնան առաջին կեսը²³:

Հայկական Տավրոսի լեռնանցքներից մշտապես առավել նշանակալից է եղել Ձորա պահակը կամ Բաղեշի լեռնանցքը (Ռահվա), ինչը բազմիցս հիշատակվում է օտարերկրյա արշավանքների ժամանակ: Ըստ Բ. Հարությունյանի՝ Արտաշատը Տիգրանակերտին կապող «Արքունի պողոտան» անցել է Ձորա պահակ լեռնանցքով և Բաղեշի կիրճով, այնուհետև՝ Տարոնի դաշտով²⁴:

Աղձնիքի հյուսիսային շրջանները՝ ներառյալ Մասունը, ունեն խիստ լեռնային ռելիեֆ ու կլիմայական դաժան պայմաններ, որտեղ ձմեռը տևում է ավելի քան յոթ ամիս: Բոլոր ճանապարհները, առանց բացառության, փակվում են, լինում են դաժան բքեր, նույնիսկ շատ մոտ գտնվող բնակավայրերի միջև միանգամից

²¹ Հակոբյան Թ., Հայ ժողովրդի պատմության հիշարժան վայրերը, Ե., 1990, էջ 11:

²² Գրիգորյան Ա., Հայկական լեռնաշխարհի տարածաշինական կառուցապատման օրինաչափությունները [Հայկական լեռնաշխարհ: Հանրապետական գիտաժողովի նյութեր, 2015 մարտի 24-25 (նվիրված Հայոց Մեծ եղենի 100-ամյակին), Ե., 2015, էջ 296-297]:

²³ Մայադյան Հ., Հայկական լեռնաշխարհի ֆիզիկաշխարհագրական պայմանների ռազմաաշխարհագրական գնահատումը (նույն տեղում, էջ 78-79):

²⁴ Հարությունյան Բ., նշվ. աշխ., էջ 195, 203-204: Հայաստանի ազգային ատլաս (ատլասի գլխավոր խմբագիր՝ Վարդանյան Մ., հատորի պատասխանատու խմբագիր՝ Հարությունյան Բ.), հ. Բ, Ե., 2008, էջ 22-23, 25, 40-41:

ընդհատվում է հաղորդակցությունը²⁵: Այս ամենն, անտարակույս, նպաստում էր նրան, որ տարածաշրջանը տարվա կեսից ավելին ապահով լիներ արտաքին հարձակումներից և ներխուժումներից, իսկ լեռնային տեղանքն, իր հերթին, մի բնական հսկայական պատնեշ-ամրոց էր և՛ լեռնաբնակների, և՛ Միջնաշխարհի համար:

Հայկական Տավրոսի ընդերքն արդեն այն ժամանակ հայտնի էր իր հանքային հարստություններով՝ հիմնականում կապարի պաշարներով, ինչով հատկապես հարուստ էր Շուպրիան (Սասնա լեռների շրջան)²⁶: Այստեղ հատկապես զարգացած էր պղնձահանքերի, ապա և երկաթահանքերի շահագործումը: Թերևս Շուպրիան իր տարածքում ուներ «հանքանյութի արդյունահանմանը մասնագիտացած երկրագործական-անասնապահական շրջաններ, որոնք ասորեստանցիները չէին կարող գցել իրենց ձեռքը, քանի որ Շուպրիայի բնակավայրերը գտնվում էին դժվարանցանելի լեռներում»²⁷: Արմե-Շուպրիան մասնակցում էր երկաթի տարանցիկ առևտրին և հյուսիսասորիքյան ու արևելափոքրասիական քաղաք-պետությունների հետ միասին վերածվում է կովախնձորի՝ Ասորեստանի և Ուրարտուի միջև²⁸: Կարծում ենք՝ այն ավելի շուտ խիստ կարևոր ռազմավարական նշանակություն ուներ թե՛ Վանի թագավորության, թե՛ Ասորեստանի համար, քանի որ այդ տարածքն իրեն ենթարկելով կամ վերահսկելով՝ կողմերից յուրաքանչյուրը դիրքային առավելություն էր ստանում մյուսի նկատմամբ:

Արշավանքի դրդապատճառները, ժամանակը և արշավուղին: Հստ Ն. Հարությունյանի՝ դեպի Ադձնիք կատարած Մենուայի արշավանքը պայմանավորված էր բռնկված ապստամբությունը ճնշելու հանգամանքով²⁹: Նման ռազմական որոշման պատճառ կարող էին ծառայել ոչ միայն հարկերը վճարելուց հրաժարվելը, մեկ այլ կողմի հետ դաշնակցային հարաբերությունների մեջ մտնելը, այլև՝ նախահարձակ լինելու հանգամանքը: Այս տեսակետը հատկապես կարևորվում է այն պատճառով, որ վերը ներկայացված բնակավայրերը հիմնականում գտնվել են լեռնային դժվարամատչելի տեղանքում, և տեղաբնիկ լեռնցիները, միանգամայն հնարավոր է՝ օգտվել են իրենց դիրքային առավելությունից: Կարելի է ենթադրել, որ Ալզի «երկիրը», որն այդ ժամանակ, ըստ երևույթին, հարկատու է եղել կամ ենթարկվել Վանի թագավորությանը, ընդվզել է՝ հրաժարվելով տրամադրել սահ-

²⁵ Հակոբյան Թ., Ուրվագծեր Հայաստանի պատմական աշխարհագրության, Ե., 1960, էջ 233-234, նույնի՝ Հայաստանի պատմական աշխարհագրություն, Ե., 2007, էջ 225, 232:

²⁶ Հակոբյան Թ., Հայ ժողովրդի պատմության հիշարժան վայրերը, էջ 11, Հայ ժողովրդի պատմություն, հ. 1, Ե., 1971, էջ 377:

²⁷ Հայ ժողովրդի պատմություն, հ. 1, էջ 425 և հղված գրականությունը:

²⁸ Նույն տեղում, էջ 486:

²⁹ Арутюн Н. Н., айн, А, — Ураг 2 З, АСПбх 2006, А: А 140х

մանված հարկերը: Այս ամենը հիմք է տալիս մեկ այլ ենթադրության, որ Ալզին կարող էր հնագանդեցված լինել դեռևս Մենուային նախորդած արքաների օրոք: Հակված ենք կարծելու, որ, հավանաբար, դա տեղի է ունեցել Մենուայի նախորդի՝ Բշպուինիի կամ էլ Բշպուինիի և Մենուայի համատեղ գահակալության տարիներին: Ինչ վերաբերում է Շաշնու «երկրին», հազիվ թե այն նախկինում երբևէ հարկատու եղած լիներ Վանի թագավորությանը:

Ըստ էության, գլխավոր հիմնապատճառը, որը և դարձել է այս արշավանքի խթանը, Հայկական լեռնաշխարհի հարավարևմտյան սահմանների վերահսկողությունն էր, ինչն էլ ապահովում էր բիայնական տերության անվտանգությունը Ասորեստանի ռազմա-քաղաքական նկրտումներից: Այդ մասին են վկայում նաև Բադեշի լեռնանցքից ոչ հեռու գտնվող Կուտումե-Կոտում բնակավայրի գրավումն ու տեղում ուրարտական հենակետ-ամրոցի կառուցումը:

Արշավանքի դրդապատճառներից գատ, կարևոր է նաև հնարավորինս պատկերացում կազմել, թե երբ է այն տեղի ունեցել և որ բնակավայրերով է անցել: Ինչպես արդեն վերն ասվեց, Ուրմիո լճի ավազանում բիայնական զորքերի նվաճումները թվագրվում են Ք.ա. 810 թ. առաջին կեսի վերջերից մինչև երկրորդ կեսի սկզբները: Հաշվի առնելով այն փաստը, որ մինչև գարնան ավարտը Հայկական Տավրոսի վրա դեռևս ձյուն է լինում, արշավանքը կարող էր տեղի ունենալ ամռան սկզբներից մինչև աշնան սկիզբն ընկած ժամանակահատվածում: Այսպիսով, նախկինում առաջ քաշված այն կարծիքը, թե Մենուայի ձեռնարկած արշավանքները դեպի արևմուտք և հարավ-արևմուտք, ի տարբերություն հյուսիսային «երկրի», ժամանակագրական տեսակետից կարող էին երկրորդական տեղ գրավել, ոչ մի կերպ չի արդարացվում սույն արձանագրության քննությամբ: Բացի այդ, հարավ-արևմուտքում խնդիրն առավել բարդ էր և որոշ առումով նաև հրատապ, քանի որ այստեղ բախվում էին Բիայնիլիի և Ասորեստանի շահերը, որոնք ներկայացնում էր Մենուայի ախոյան և ժամանակակից Ասորեստանի արքա Ադադներարի Գ-ն (Ք.ա. 811-783 թթ.)³⁰:

Մյուս կարևոր խնդիրը բիայնական զորաբանակի արշավուղու ճշգրտումն է, ինչը, ըստ մեզ, կարող էր անցնել երկու ճանապարհով: Առաջին հնարավոր տարբերակը Վանա լճի հյուսիսային ափերին առընթեր անցնող Վասպուրական-Տուրուբերան-Ձորա պահակ-Ադանիք երթուղին է: Ուղևորվելով մայրաքաղաք Տուշպայից՝ Մենուայի զորքերը կարող էին անցնել Վասպուրական և Տուրուբերան նահանգներով, այնուհետև Ձորա պահակով թափանցել Ալզի-Ադան/Արձն, Վանա լճի հարավարևմտյան անկյունում գրավել Ալզիի Կուտումե-Կոտում

³⁰ Նույն տեղում, էջ 122, Հայ ժողովրդի պատմություն, հ. 1, էջ 303:

բնակավայրը և ապա՝ ամբողջ Ալզի «երկիրը», իսկ վերջում՝ հաղթահարել Հայկական Տավրոսն ու իրեն ենթարկել Շաշնու-Սասունը: Այսուհանդերձ, առավել հակված ենք կարծելու, որ ավելի շուտ այդ ճանապարհն անցել է Վանա լճի հարավային առափնյա երթևեկելի հատվածներով՝ Վասպուրական (Ռշտունիք)-Տուրուբերան (Երևարք)-Ադանիք (Ալզի-Ադան/Արձն)-Կոտու (Կուտումե)-Սասուն (Շաշնու) երթուղով³¹: Այլ կերպ ասած՝ ուրարտական գործը Վանա լճի հարավում կտրելանցել է Ռշտու-նիքն ու Երևարքը, գրավել Ալզիի Կուտումե-Կոտում քաղաքը, ապա ամբողջ Ալզի-Ադան/Արձնը և վերջում միայն հարավից կամ հարավ-արևելքից ներխուժել Շաշնու-Սասուն:

Արշավանքի հետևանքով Բիայնայի արքան՝ Մենուան, ըստ մեզ, նվաճել է Սանասունքի գավառակենտրոն Սասունը՝ իր շրջակայքով, ինչպես և հնում Սանասունքի մասերը կազմած Երխեթք, Գզեղիս և Սալնաձոր գավառների տարածքները: Դա ավելի հավանական է թվում՝ հաշվի առնելով նախ այն, որ նշված գավառները գտնվել են Սանասունքի հյուսիսարևելյան հատվածում, և ապա՝ Սանասունքի բնակավայրերից Սասունն ակնհայտորեն առավել մոտ է թե՛ Կուտումե-Կոտումին, թե՛ Բաղեշի լեռնանցքին և ուղիղ գծով տեղադրված է Արձնից հյուսիս: Ալզիից, հավանաբար, նա նվաճել է դրա հյուսիսային շրջանները, և Կուտումեի գրավումը, ըստ ամենայնի, դրա վառ վկայությունը կարող է լինել:

Քանի որ այստեղ չի նշվում Քաղիթթի ավին տեղայնացվող Կուլիմերի-Քդիմար բնակավայրը, կարելի է ասել, որ Վանի թագավորության գործը չի հասել այդտեղ: Ավելին՝ Բիայնացիների զորաբանակը հազիվ թե անցած լիներ նույնիսկ Քաղիթթից բավական արևելք՝ Հայկական Տավրոսից սկիզբ առնող Արզան գետը: Բացի այդ, չնայած խնդրո առարկա սեպագիր հաղորդման մեջ Մենուան հայտնում է, թե ինքը նվաճել է Ալզի և Շաշնու «երկրները», մեր կարծիքով, դա չափազանցություն է, և իրականում խոսքը կարող էր վերաբերել այդ «երկրների» միայն որոշակի հատվածին:

Այսպիսով, Մենուայի արշավանքն Ադանիք իր գահ բարձրանալու տարում ունեցավ հետևյալ ռազմաքաղաքական և տնտեսական հետևանքները.

1. Արշավանքը, որի հետևանքով Ձորա պահակը կամ Բաղեշի լեռնանցքը հայտնվել է Վանի թագավորության վերահսկողության ներքո, տեղի է ունեցել Ք.ա. 810 թ. ամռան սկզբներից մինչև աշնան սկիզբն ընկած ժամանակահատվածում՝ Ադանիքի հյուսիսային շրջաններում:

³¹ Հայաստանի պատմության ատլաս, Ա մաս, հեղ.՝ Հարությունյան Բ., Ե., 2007, էջ 42-43, Հայաստանի ազգային ատլաս, հ. Բ, էջ 40-41:

2. Ձորա պահակով անցնող ռազմավարական խիստ կարևոր նշանակության ճանապարհը վերահսկելու համար Մենուան ամրոց-հենակետ է կառուցում Կուտումե-Կոտումում:

3. Բիայնական բանակը եղել է Քաղիրթ գետից արևելք և հյուսիս-արևելք ընկած տարածքների մեծ մասում՝ անցնելով «Աշխարհացոյց»-յան Աղձնիքի ութ գավառներով, սակայն դժվար է հիմնավորապես խոսել այս տարածաշրջանում նրա իրական ռազմական հաջողությունների մասին: Ամեն դեպքում արշավանքի հետևանքով Վանի թագավորության քաղաքական ազեցության գոտում է ներառվել առնվազն Աղձնի և Սանասունքի մի հատվածը:

4. Մենուային, ըստ էության՝ չի հաջողվել իր տերությունը միացնել Ալզի և Շաշնու «երկրները»: Նախ, նա լռում է այդ մասին, ինչը լիովին հակասում է Վանի տիրակալների վարքագծին, և ապա արձանագրությունում իսպառ բացակայում են կողմնակի տվյալներ, որոնք կարող էին փաստել Աղձնիքի տարածաշրջանում ուրարտական զորքերի խոշոր հաջողությունների մասին (գերիներ, ավարառություն, տարածքի նվաճում՝ տերությունը կցելով և այլն): Թերևս միակ հաղորդումը, որն արժանահավատ հիմքեր ունի, Կուտումե-Կոտումի գրավումն է, և ուրարտական ամրոց-հենակետի կառուցումը նույն բնակավայրում: Այսպիսով, այս պարագայում կարելի է խոսել թերևս տվյալ տարածաշրջանի՝ ընդամենը Վանի թագավորության ժամանակավոր գերիշխանությանը ենթարկվելու մասին:

5. Արշավանքը հիմնականում միտված էր թուլացնելու կամ չեզոքացնելու Ասորեստանի ազդեցությունը Հայկական լեռնաշխարհի հարավ-արևմուտքում, ապահովելու երկրի «դարպասների» ամրության վերահսկումը ասորեստանյան ռազմական ոտնձգություններից: Մյուս կողմից՝ այն Աղձնիքի տարածքում էլ ավելի խորանալու և Վանի թագավորության քաղաքական ազդեցությունը հաստատելու և ամրապնդելու նախադրյալներ էր ստեղծում՝ ապահովելով թիկունքի ամրությունը և ավելի հարավ ծավալվելու լայն հնարավորությունները: Ըստ ամենայնի, դրան էր միտված համապատասխանաբար Վերին Տիգրիսի ավազանում և Հայկական Տավրոսում գտնվող Ալզի և Շաշնու «երկրների» հնազանդեցումը կամ Վանի թագավորությանը ենթարկելու փորձը:

6. Ըստ էության, Վանի թագավորության վերահսկողության տակ հայտնվեցին Աղձնիքի հյուսիսարևելյան և արևելյան լեռնային շրջանների մետաղահանքերը, որոնք կարող էին կապարով և երկաթով ապահովել տերությունը, ինչպես նաև այդ շրջաններով անցնող ու Միջագետքը Հայկական լեռնաշխարհի հետ կապող առևտրական ուղիները:

**ПЕРВАЯ ВОЕННАЯ КАМПАНИЯ МЕНУА В АЛДЗНИК В ГОД ЕГО ЕДИНОЛИЧНОГО
ВОЦАРЕНИЯ НА ПРЕСТОЛ****ХУДАНЯН А. О.**

Резюме

Урартская клинописная надпись, найденная в поселении Патноц-Бадноц, имеет определенное значение для реконструкции исторических событий. Исследование надписи указывает на то, что первая кампания Менуа в Алдзник должна, несомненно, датироваться первым годом его единоличного правления, т.е. 810 г. до н. э. В результате этой военной кампании Менуа завоевал северо-восточные и восточные районы горного хребта Армянского Тавра и бассейна Верхнего Тигра. Таким образом, можно предположить, что горный перевал Бахеша (Битлис) или Дзора паак, упоминающийся в армянских средневековых источниках, перешел под контроль Ванского царства (Урарту). Этот перевал имел важное значение, поскольку, с одной стороны, он служил в качестве ворот, ведущих во внутренние области Армянского нагорья, а с другой – препятствовал вторжению Ассирии в Урарту.

В результате Менуа не только утвердил свое военно-политическое влияние на землях Алзи и Шашну, но и создал возможность для расширения урартской экспансии на юг.

**MENUA'S FIRST MILITARY CAMPAIGN TO AGHDZNIK IN THE YEAR OF HIS SOLE
ENTHRONEMENT****H. KHUDANYAN**

Abstract

The Urartian cuneiform inscription found from Patnots-Badnots settlement is of certain importance for the reconstruction of historical events. The study of the inscription indicates that Menua's first military campaign to Aghdznik should be undoubtedly dated by the first year of his sole reign, that is to say, 810 BC. In the result of this military campaign Menua invaded the north-eastern and eastern regions of the Armenian Taurus mountain range and the Upper Tigris. Therefore, it may be assumed that the mountain pass of Baghesh (Bitlis) or Dzora pahak (canyon guard) of Armenian medieval records passed under the control of the Kingdom of Van (Urartu). This pass was of important significance for on the one hand it served as gates leading to the inner regions of the Armenian Highland and on the other hand it hindered Assyria to intrude into Urartu. Besides, the rich steel and lead mines passed under its dominion. As a consequence, Menua not only established his military-political influence over the lands of Alzi and Sasnu but he created new possibilities for the Urartian expansion southward.